

Lungzswng Cietlozdouh Langhbaij Vwnzva Dajndaem

龙胜落莧节展农耕文化

6 nyied 3 hauh, Lungzswng Gak Cuz Swciyen youq Swsuij Yangh Swsuij Cunh Mbanjmyauz Siujyenz guh aen Cietlozdouh. Vahmyauz “lozdouh” eiq-sei dwg naeuz ndaemnaz. Ciet neix bonj dwg gij ciet conzdungj Myauz-cuz Swsuij Cunh, doeklaeng gak minz-cuz ciemhciemh doxyau doxyungz le, daengx mbanj gak cuz beixnuengx cungj gvaq aen ciet neix lo. Ngoenzde, gak cuz vunzlai caez bae rauqnaz ndaemnaz, mo bya, caij maxfaex, daem ceiz daengj. Gyoengqde guh yienghneix bae mbaenjgouz fwnraemx cuk, gohuq maj ndei sou ndaej lai, caemhcai

angqhoh Cunghgoz Gungeanj dangj laeb ndaej 100 hopbi. Gyawj geij bi neix, Mbanjmyauz Siujyenz yawj dieg guh swnghdai lijyouz, lumjbaenz aeu ranz nungzhoh guh rug hawj hek youz youq, youq ndawhaeuxnaz ciengx bya daengj, byaijok diuzroen aeu “haeux bya sou ndaej lai, swnghdai, ginghei hwngfat” bae guhhoengh aenmbanj siujoq minzcuz ndeu.

(Vuz Swnghbinh Vuz Siuhyi / 吴生斌 吴肖裕)

► Vunzmbanj cingq rauqnaz.



▲ Gyoengq lwghag doxdax hoenx gienz.

Nanzningz Si Sinhgingh Minzcuz Yozyau Doxdax Dwk Gienzcuengh

南宁市新兴民族学校举行壮拳比赛

Vih langhbaij yienghndei vujsuz minzcuz, ciepcienz vwnzva minzcuz ndei, mboengqneix Nanzningz Si Sinhgingh Minzcuz Yozyau guh hozdung doxdax dwk Gienzcuengh. Yienhciegz miz gienz doxlienx saulinz, sam loh canzgienz, foux cax, foux giemq daengj. Gyoengq lwghag cingsaenz gvaekgvaek, dungcoz caezcingj mizrengz, yienhciegz seiz mbouj seiz caij miz sing hemqndei cienzdaeu. Mbat doxdax neix mboujdan hawj gij ndwenngoenz vwnzva lwghag bienqndaej engq mizyinx, cix langhbaij gij cingsaenz funghmau ndei gyoengq lwghag.

(Cwnggh Dunghyenz Vangz Yungjloz / 曾冬媛 黄永乐)

Lozcwngz: Aeu Song Vah Lwnh Lizensij Aendangi

罗城：用双语讲党史

6 nyied 4 hauh, Lozcwngz Mulauj-cuz Swciyen Aen Donz Sonlwnh Lizensij Aendangi daengz Dunghmwngz Cin Mbanjgaeuq Sizveiz, Lungzan Cin Daihmungz Cunh Mbanjdung Nazlwnj, aeu Vahmulauj, Vahdung bae lwnhgangj lizensij aendangi. “Dou rox le haujlai cihsiz aendangi, riengz dangj byaij saedceij dou

yied daeu yied ndei lo!” Mungz Cuihswng vwnz Mbanjgaeuq Sizveiz naeuz. Lozcwngz aeu Vahmulauj, Vahcuengh, Vahyauz, Vahdung daengj caeuq Vahgun doxgap le bae lwnh lizensij aendangi, hawj gak cuz vunzlai engq miz gietsim riengz dangj byaij.

(Liu Gvanghfuz / 廖光福)



▲ Vunzmbanj doxcomz dingq lwnhgangj.

Denzyangz Gih: Gyangjco Couhnieb Cauhnieb Soengq Daengz Bakranz

田阳区：就业创业讲座送到家门口

6 nyied 4 hauh, Baksak Si aen gyangjco couhnieb cauhnieb hai hawj nungzminzungungh dauq ma ranzmbanj haenx youq Denzyangz Gih Ranzmbanj Laujyangh banh. Gyangjco gangj le youq lajmbanj baenzlawz cauhnieb, gij

cwngcwz doxgven, caemhcai faenyienj ginghyen saedguh dem. Denzyangz Gih muengh ndaej daezsang gij dinfwngz cauhnieb cauhmoq nungzminzungungh, coicaen aeu cauhnieb daidoengh couhnieb.

(Vangz Gozsun Yangz Sezlinz Veiz Mingzsan / 黄国顺 杨雪琳 韦明善)

◀ Gyangjco yienhciegz.

